

EPISTOLA.

Hos omnes , ut brevi dixerim , & vicisti verbo & convicisti exemplo , quia apud eos Evangelium Tuum non fuit in sermone tantum , sed & in virtute , & in spiritu sancto , & in plenitudine multa : ita ut jam non Oves inter Lupos misere convivant , sed Lupis in Oves sanctè commutatis Tuus mirum in modum Grex evaserit numerosior , & in unanimitate tam efflorescente compositus , ut ambigatur an major fiducia , gloriatio , superabundantia gaudii sit Pastoris apud Gregem , an Gregis apud Pastorem : an Grex Pastori , an Pastor Gregi sit carior ac pretiosior.

At quàm in primis Aginni , ubi Tua sedet Authoritas , carum ac pretiosum sit nomen Tuum , non dico : dixerim tamen præclarè ac laute Urbis illius , quæ de murorum suorum antiquitate , de irriguitate tractuum & situum amœnitate , de suorum Incolarum nobilitate ac venustate cum omnibus jure contenderet . Proceres & Cives universos in Te esse propensissimos & unam eorum esse vocem erumpentem continuè in applausu , jubilationes ac deprecationes assiduas pro diuturnitate Tui regiminis . Tum ut olim Tolosates , jam sunt anni plusquam quadringenti , in Antistite suo Hugone gloriabantur , sic Aginnenses in suo Julio ejusdem Gentis & cognominis ferè superbiunt suspicientes sapientiam Tanti Antenati in Tanto Abnepote gloriosissime consummatam .

Hanc gratulatoriam vocem attollunt quotquot sunt